

Президент: Қуръони каримда “Яхшиликнинг мукофоти фақат яхшиликдир”, деб таъкидланган



18:43 / 08.04.2022 2053

Шавкат Мирзиёев Тошкент шаҳридаги 102-сонли заиф эшитувчи болалар учун ихтисослаштирилган мактаб-интернатга келди.

Айни вақтда “Саховат”, “Мурувват” ва “Меҳрибонлик” уйлари ҳамда махсус мактаб интернатлари фаолияти бўйича видеоселектор йиғилиши бошланди.

Авваламбор, сиз, азизларни муборак Рўзаи-Рамазон ойида соғ-саломат ва яхши кайфиятда кўриб турганимдан хурсандман.

Ушбу қутлуғ ойда Аллоҳнинг марҳамати билан, бутун ер юзига барака ва яхшиликлар ёғилади. Сабр-қаноат ва хайр-саховатли ишлар учун кўп-кўп савоблар ёзилади.

Муборак Қуръони каримда ҳам “Яхшиликнинг мукофоти фақат яхшиликдир”, деб таъкидланган (Рахмон сураси).

Умуман, кўп минг йиллик қадриятларимиз ва муқаддас динимиз шарофати билан, нафақат Рамазон ойида, балки бутун йил давомида, ҳар куни меҳр-мурувват ва саховат кўрсатиш, сабрли ва аҳил бўлиш, халқимизнинг қон-қонига сингиб кетган,-деди давлат раҳбари.